

Semana 4 - 100 ka Adlaw sa Pag-ampo

Abril 17 - 23, 2020

“Dali, Pahuway Kadiyot”

Ni Nina Atcheson

Usa maanindot nga kabuntagon, ako nakaamgo nga ang balay hilum man kaayo, ug 3-anyos nako nga anak nga babaye nawala. Ang iyang mga igsuong lalaki nagduwaduwa, apan wala siya didto. Gitawag ko siya, nagapanghunahuna kon asa kaha siya. “Tahlia, asa ka?” Ang akong tingog milanog sa tibuok balay, apan walay mitubag. Miadto ako sa mga lawak, walay ni bisan usa ka anino didto.

Sa kataposan, nakadungog akog usa ka gamayng tingog. “Mama...” Miguho ang iyang gamay nga ulo sa likod sa akong pula nga lingkoranan. “Tan-awa,” iyang gipakita ang among libro sa pasalamat, ang pahina nga diin may hulagway ni Jesus ug ang Iyang mga manolunda nanaug sa yuta. “Moabut ba Siya karon, Mama?” nangutana siya, dungan tudlo sa bintana tupad niya.

Natunaw ang akong kasingkasing sigon nga ako nakaamgo nga siya naglingkod didto, nagahulat kang Jesus nga mobalik karong adlaw. Sa akong kapuliki sa buntag, naglutog kog pamahaw, nanglaba, ug hinoon nanunag sa celfon. Ang kalayon niini nga mga “dinalian” niini nga mga lihokon sa balay nakapasamok kanako sa paghatag og panahon alang kang Jesus nianang buntaga. Ang Dios mas labaw pa sa dayag nga nagsulti kanako pinaagi kang Tahlia niadtong gutloa. Kini sama nga daw Siya nagaingon, *Hinay-nay lang ug tagda Ko ning buntaga. Ania Ako. Ug moabut Ako sa di-madugay. Paggugol og panahon uban Nako...*

Karon, daghang katuigan human niadto, ako sa gihapon nakadungog sa mga pulong sa Dios alang kanako. “Pangadto kamo nga kamokamo ra sa usa ka dapit nga awaaw, ug pamahulay kamog makadiyot.” (Marcos 6:31). Siya nagadapit kanato sa paghunong, sa makabuang nga pagdali-dali palibot kanato, sa pag-uban Niya. Dili lang sa makadiyot o tungod sa obligasyon, apan alang sa usa ka panahon, tungod gusto nato nga maggugol og panahon kauban sa Tibaglik sa Atong mga Kalag.

Karon lang gayud, daghan kanato nakakaplag sa atong kaugalingon diha sa usa ka dapit diin kita nalain sa atong mga puloy-anan tungod sa usa ka pandemia sa tibuok kalibutan. Diha sa usa ka hangkag, napugos kita sa paghunong sa atong naandan nga pagdali-dali sa kinabuhi. Ang atong mga kinabuhi nausab alang niini nga panahon. Kita ba nanagpahulay diha Kaniya niining “mingaw nga dapit?” Namati ba kita sa Iyang walay-timik nga gamayng tingog (1 Hari 19:12), nagatawag kanato ngadto sa usa ka mas suod nga paglakaw uban Niya (Juan 15:9)? Kita ba naggugol og panahon nga mas makaila Kaniya, o gipanghuwaran ba nato ang mahilum nga dapit sa kabanha sa ubang mga pagsamok-samok?

Ingon nga usa ka bata, nakahinumdom ako nga nagaawit og usa ka awit nga may mga pulong nga: “Ang panahon uban Niya maoy panahon nga maayo kaayo nga pagkagugol. Siya mamahimong imong Kahupay ug imong Giya. Ang panahon uban Niya maoy panahon nga maayo kaayo pagkagugol. Siya kanunay maanaa sa imong kiliran.” Ang pagpanday sa atong relasyon sa Dios pinaagi sa paggugol og panahon sa atong Maglilipay ug Giya, maoy iya sa kinatas-ang kahinundanon diha sa mga panahon nga kita nakakaplag niini karon lang gyud. Ang kalidad nga panahon (inay nga kadaghanon o katas-on sa panahon) maoy pinakaimportante sa tanan. Unsa kahay imong mahimo sa pagpalambo sa kalidad sa imong panahon kauban sa Dios niining semanaha?

Hunahunaa ang mosunod nga mga alinghuna:

- Hangyoha ang Dios sa paghatag kanimo og mas daku nga tinguha sa paggugol og panahon uban Niya.
- Ang Biblia wala gibuhat nga lisud sabton. Kini maoy buhi nga Pulong sa Dios alang kanimo, ug Siya nagahulat sa pagsulti kanimo pinaagi niini.
- Duol diha sa pagkamapainubsanon ug mag-ampo sa dili pa ikaw magbasa sa imong Biblia, nagapangayo sa Dios alang sa usa ka tino nga mensahe nga imong gikinahanglan pamatian.
- Basi gusto nimo mokuha og usa lang ka bersikulo o gamay nga tipik sa Kasulatan matag adlaw. Hunahunaa: Unsay ginasulti sa Dios kanako pinaagi ning tekstoha? Unsaon nako sa pagdasig sa usa ka -tawo karon niining mensahea?

Ang Dios nagahulat nga mapailubon kanato sa paggugol og panahon uban Kaniya matag adlaw (Pin. 3:20). Mohulat ka ba nga madamhanon, sama kang Tahlia, nangandoy alang sa Iyang pagbalik? Moduol ka ba ug mopahuway sa makadiyot Kaniya samtang ikaw nagahulat?

Si Nina Atcheson sa pagkakaran nagaserbisyo ingon nga Curriculum Manager alang sa Eskwela Sabatika ug Personal Ministries Depart sa General Conference, ug sa Adventist Identity Officer alang sa Adventist School Australia. Si Nina, ang iyang bana si Matt, ug ang ilang tulo ka mga anak nagpuyo duol sa Gold Coast, Australia.

MGA PANGUTANA SA KASINGKASING: Unsay kinadak-an nga babag nga makapahunong kanimo gikan sa paggugol og kalidad nga panahon sa Dios? Aduna bay mga babag nga ikaw makahangyo sa Dios sa pagtabang kanimo sa pagkuha sa paghawan sa mga tinong sagabal? Unsaon nga kini makapausab sa imong binatasan sa pag-ampo ug pagtuon sa Biblia?

AKTIBONG HAGIT SA KASINGKASING: Tingali ang Dios gusto sa pagbuhat tadtas sa malisud nga mga panahon palibot kanato sa pagtabang kanato sa pagkaamgo sa atong dakung panginahanglan Niya sa dili pa Siya mobalik. Siya nagasangkap og usa ka talagsaon nga oportunidad alang kanato sa pagpahuway sa makadiyot diha Kaniya. Mosanong ka ba sa Iyang pagdapit? Angkonon nato ang mga saad sa Juan 15:4, 5; Isa. 26:2,3 ug Marcos 6:33 samtang kita makakaplag og pahuway ug kasigurohan diha Kaniya.

“Kadtong magbaton og Cristo diha sa Iyang pulong, ug magtugyan sa ilang mga kalag ngadto sa Iyang pagtipig, ang ilang mga kinabuhi alang sa Iyang pagmando, makakaplag og pakigdait ug kalinaw... Ang atong mga kinabuhi daw sa usa ka lambid; apan samtang kita magtugyan sa atong kaugalingon ngadto sa maalam nga Agalong Magbubuhay, Siya maghatag sa sumbanan sa kinabuhi ug kinaiya nga mamahimong alang sa Iyang kaugalingong himaya.” (Desire of Ages, p. 331)

Mas Palaluman – Mga Dugang nga Sugyot sa Pagbasa alang ning semanaha:

- Ellen White, *Education*, capitulo 20, “Bible Teaching and Study”
- Nina Atcheson, *As Light Lingers: Basking in the Word of God*
- Audiobook: *As Light Lingers: Basking in the Word of God* (Sa pagtan-aw sa sinemana nga libreng capitulo adto sa: www.aslightlingers.com)



Adlaw 22 – Tutok Sa Pag-ampo – Biernes, Abril 17, 2020

TAHO SA PAGDAYEG! Bisan pa sa pandemia sa COVID-19 sa tibuok kalibutan, ang Seventh-Day Adventist Church nagapadayon sa pag-uswag sa unahan diha sa misyon. Ug daghang mamugnaon ug bag-ong mga metodo sa pagpahat sa maayong balita ang ginapalambo uban ang mas lapad kaayo nga abtanan nga atong nasinatian. Dalaygon ang Dios!

Mga Hangyo sa Pag-ampo nga gisugyot ni Ted N.C. Wilson

- Pag-ampo alang sa atong mga membro sa iglesia ug niadtong nanagbangotan sa pagkalas sa mga hinigugma tungod sa COVID-19 karon. Pag-ampo alang sa kalinaw ug kahupay alang sa ilang mga kasingkasing. Pag-ampo alang sa lawasnong kaayohan alang niadtong mga anaa karon nakigbisog sa Coronavirus.
- Pag-ampo nga ang mga membro sa iglesia sa aktibo mosagop sa mga prinsipyo sa piskay nga pagkinabuhi sa NEWSTART (nga maoy gibarogan sa Nutrisyon, Ehersisyo, Wais nga Tubig, Sidlak sa adlaw, Tanang Pagpugong, Abundang Hangin, Relihiyosong Pahuway, Tukmang Pagsalig sa Dios) ingon nga usa ka nabalanse nga pamaagi sa piskay nga pagpuyo.
- Pag-ampo nga kita ingon nga usa ka iglesia magpadayon sa pagpangitag mga pamaagi sa pagpahat nga epektibo sa mensahe sa maayong panglawas sa Dios, inubanan sa mga mensahe sa Tulo ka mga Manolunda, diin maoy atong kataposang-adlaw nga tahas ngadto sa kalibutan lakip ang atong panginahanglan sa pagpangayo alang sa kataposang ulan sa Balaang Espiritu, samtang kita nagapangandam alang sa di-na-dugay nga ikaduhang pag-anhi ni Cristo.
- Pag-ampo nga diha sa atong kadasigon sa pagpangitag mga mamugnaong pamaagi sa pagsaksi sa uban, dili kita mawad-an sa atong kugan nga pagpahimug-at kang

Cristo, sa Iyang Pulong, sa Iyang pagkamatarung, sa Iyang serbisyo sa santuario, ug sa Iyang makaluwas nga gahum diha sa dakung away.

- Iampo ang wali nga online sa *It Is Written* nga “Paglaum Makapapukaw” nga ginasugdan karon sa tibuok nasud. (Alang sa dugang kasayoran duawa ang: <https://www.discoverhopeawakens.com>). Pag-ampo nga mas daghan pang katawhan makatan-aw ug mainteresado niini nga serye kay sa himoon kini sa publikong wali nga gikansela didto sa Indianapolis.



Adlaw 23 – Tutok Sa Pag-ampo - Sabado, Abril 18, 2020

Gisusteneran pinaagi sa Pulong

“Itugyan mo kang Jehova ang imong palas-anon, ug siya magasapnay kanimo: Dili gayud niya pasagdan nga mabalhin ang matarung. .” Sal. 55:22

“Akong mga isigka-magbubuhay, ayaw tugoti ang inyong kasibut mapakyas. Ang Dios nagasulay sa inyong pagtoo. Ang Cristohanon sagad adunay usa ka kusgang mananabang diha sa Ginoo. Sa dihang mohunong kamo diha sa inyong mga maikagong pangabudlay tungod kamo dili arangan sa pag-angkon sa gikinahanglang tabang, itugyan ang inyong lulan sa Ginoo. Magmakontento sa pagbutang niini didto, siguro kaayo nga Siya maoy matinud-anon nga nagsaad. Ang Unsa ug ang Giunsa sa pagtabang sa Ginoo wala kita nahibalo; apan kini maoy atong nabal-an, ang Ginoo dili gayud mopakyas niadtong nanagbutang sa ilang pagsalig diha Kaniya. Sa dihang Iyang mapamatud-an sa bug-os ang Iyang mga magbubuhay, Siya magahimo kanilang dalisay sama sa bulawan nga giulay sa kalayo.” Ellen White, Letter 66, June 26, 1901, par. 29

Mga Pangutana Sa Kasingkasing:

Unsay mga pamaagi nga imong gibati nga ang Ginoo nagpatubo ug nagpahimatuod sa imong pagtoo? Unsa ang pipila sa imong paborito nga mga saad sa Biblia nga gusto nimong angkonon sa dihang ikaw nakigbisog? Ingon nga usa ka hagit sa kasingkasing ning semanaha, nganong dili mangita og usa ka bag-ong bersikulo sa Biblia nga nagahatag kanimo og kasibut ug saulohon kini. Unya ipahat kini sa usa ka tawo nga nanginahanglan og pagpadasig.

TAHO SA PAGDAYEG: Kita nagdayeg sa Ginoo nga ang sayo nga mga pagpakita alang sa daghan kaayong kamatayon diha sa Estados Unidos ingon nga usa ka resulta sa COVID-19 nagtikaubos na pag-ayo. Ang pandemia usab nagapadayon sa paghinayhinay sa tibuok Uropa, ug daw sa adunay mamahimong kahayag sa kataposan sa tanel.

- Iampo ang mga propesyonal sa maayong panglawas diha sa unahang hanay nga nagpadayon sa pakigbisog niini nga epidemia. Iampo ang ilang kahilwasan sa maayong panglawas gikan sa COVID-19, ug ang ilang lawasnon nga kahilwasan

gikan sa daotang katawhan sa kadalanan nga naghunahuna nga ang mga propesyonal sa mediko nangatakdan na.

- Iampo nga adunay usa ka balanse taliwala sa pag-lockdown sa tibuok bug-os kalibutan diha sa puloy-anan ug sa pag-abli sa ekonomiya ug mga aktibidadis sa hustong panahon—sigon dayon ingon ka luwas aron nga ang ekonomiya ug mga negosyo dili sa hingpit mangawagtang.
- Iampo ang daghan nga mga organisasyon, ug gagmayng mga negosyo nga nagaantus sa paninapi ingon nga usa ka resulta sa lockdown. Iampo nga ang katawhan makakitag pamaagi sa pag-abiba sa mga gagmayng negosyo aron sila dili mapordoy.
- Iampo ang mga kababayan-an ug kabataan nga anaa diha sa pilegroso nga mga kahimtang ug mga nanginahanglan og proteksyon. Pag-ampo og mga pamaagi sa pag-abot ngadto sa mga dali-masakit ug sa mga maluyahon diha sa inyong kaugalingong kumunidad.
- Iampo kadtong mga nanagtrabaho sa mga banko, mga tindahan, mga gasolinahan, ug uban pang mga kinahanglanong negosyo. Iampo nga sila mapanalipdan gikan sa Coronavirus samtang sila nagpatigayon sa daghang katawhan nga ilang mahimamat.



Adlaw 24 - Tutok Sa Pag-ampo - Domingo, Abril 19, 2020

Diha Sa Pag-ila sa Iyang Pulong

“Ang mga principe nanaglutos kanako sa walay gipasiparan; Apan ang akong kasingkasing nagabarug nga may kahadlok sa imong mga pulong. Nagakalipay ako sa imong pulong, Ingon sa usa nga nakakaplag ug daghang mga inagaw.” Sal. 119:161-162

“Ang Biblia maoy tingog sa Dios nga nagasulti kanato, ingon gyud ka siugro sigon nga kon kita makabati niini sa atong mga igdulogog. Kon kita makaamgo niini, sa unsay atong giila kita unta magaabli sa Pulong sa Dios ug sa daw unsa ka kamakaikagon unta kita magsusi sa kalagdaan niini. Ang pagbasa ug pagpamalandong sa Kasulataan pagaisipon ingon nga usa ka pagpamati sa Dili-Limitadong Dios.” *A Call to Stand Apart*, p. 69

Mga Pangutana sa Kasingkasing:

Nakabasa ka na ba og usa ka bersikulo sa Biblia ug nakahunahuna sa imong kaugalingon, “Murag para kadto kanako! Giunsa pagkahibalo sa Dios unsay akong gikinahanglan karon?” Samtang ikaw magpadayon sa imong adlaw karon, hunahunaa ang tanang mga rason nganong ikaw makasadya tungod sa Pulong sa Dios. Sa katinuoran, nganong dili

ikaw magsulat og lista sa mga rason nga ikaw mapasinalamaton alang sa Pulong sa Dios. Sugdi kini sa, “Gihigugma ko ang Pulong sa Dios tungod kay kini ... (ug sulati ang blanko).”
Kon ikaw nakigbisog sa paghunahuna sa mga butang, basaha ang Salmo 119.

TAHO SA PAGDAYEG: Kita nagadayeg sa Ginoo nga ang iglesia Adventista diha sa Guatemala nakakaplag og usa ka paagi sa pag-apod-apod sa mga basket nga may humay, abitsulyas, mais, mantika, asin, ug asukar ngadto sa mga nilibo sa mga sakop niini nga mga naapektohan niini nga kwarentina. Kini maoy pamatuod nga ang mga membro sa iglesia nagapangita sa pagpahat sa mga lulan sa matag usa.

- Iampo ang Africa sigon sa ilang pakigbisog sa pandemia sa Coronavirus. Iampo ang atong mga sakop sa iglesia nga nakigbisog tungod sa kakulangan sa igong pag-atiman sa maayong panglawas. Iampo nga ang mga kadaghanon sa inpeksyon ug kamatayon dili modaghan sigon sa gibalita.
- Iampo ang mga nilibo sa nga lumad nga tribo sa tibuok kalibutan, nga mao ang 69% sa populasyon sa yuta, nga wala pa mapahayagi kang Jesus. Pag-ampo alang sa bag-o nga moderno nga mga pamaagi sa pag-abot kanila atol ning maong krisis.
- Pag-ampo alang sa usa ka espirito sa paghinulsol ug pagpaubos alang sa tanan nato nahanungod sa mga panahon nga kita wala sa personal nagmatinud-anon sa Dios diha sa atong kinabuhi ug sa pagpanaksi.
- Iampo ang usa ka kusganong paglambo diha sa mga membro sa iglesia nga moserbisyo sa Dios pinaagi sa paghigugma sa uban ug pagpahat sa aktibo sa kamatuoran sa Biblia ngadto sa uban, lakip na kadtong gikan sa ubang relihiyon.
- Iampo ang mga mag-uuma nga nakigbisog sa pagpananum o sa pag-ani og mga abut nga walay mga mamumuo tungod sa pandemia, kay gipangdid-an sa pagbyahe.



Adlaw 25 – Tutok Sa Pag-ampo - Lunes, Abril 20, 2020

Pagsinadya diha sa Pulong

“Ang imong mga pulong hikaplagnan, ug gikaon ko sila; ug ang imong mga pulong alang kanako maoy kalipay ug pagmaya sa akong kasingkasing: kay ako ginatawag sa imong ngalan, Oh Jehova, Dios sa mga panon.” Jer. 15:16

“Walay mas nakalkulo sa pagpakusgan sa pangutok kay sa pagtuon sa Kasulatan. Walay laing libro hilabihan ka kusgan sa pagpataas sa mga hunahuna, sa paghatag og kusog ngadto sa mga galamhan, sigon sa halapad, makapahalangdong mga kamatuoran sa Biblia. Kon ang pulong sa Dios unta pagatun-an sigon nga dapat, ang katawhan unta makabaton og kalalum sa alimpatakan, usa ka kahalangdon sa kinaiya, ug usa ka pagka-di-matarog sa katuyoan nga talagsa makita niining kapanahonan.” *Christian Education*, p. 58

Mga Pangutana sa Kasingkasing:

Unsa kanang adunay pinasahi nga kahulogan o nagdalag pagmaya kanimo sa imong pagtuon sa Pulong bag-o lang? Nganong dili ka maggugol og pipilang panahon sa pagpahat niana nga pagmaya ngadto sa usa ka tawo karon?

Gidahom ang New York City nga magtampusisok ang katawhan diha sa mga tambalanan nga wala nay higdaanan ug dili igo nga mga tighuyop sa hangin, ug gidayeg nato ang Ginoo nga sila wala makabsi sa mga tighuyop sa hangin. Kini maoy usa ka tubag sa pag-ampo.

- Iampo kadtong mga nanagtrabaho ingon nga tigbantay o sikyo, sama sa mga pulis, ug uban pa. Ingon nga ang kaguliyang sa katawhan nagkadaghan tungod sa lockdown diha sa mga tinong bahin sa kalibutan, iampo ang pagpanalipod alang ning mga tawhana ug kababayen-an.
- Iampo ang kanhi Soviet Union Euro-Asia Division nga mga teritoryo, nga nagalangkob sa mga nasud sama sa Russia ug Siberia. Iampo nga bisan pa sa kalisdanan diha sa pagpanaksi, nga bag-ong epektibong mga metodo sa pagpang-abot sa katawhan ang mapalambo.
- Iampo ang mga nagkalisud nga nasud diha sa 10/40 nga bintana sa kalibutan. Iampo nga ang Dios magsangkap sa katawhan sa pagpahat sa Iyang gugma. Iampo usab nga ang mga pangagamhanan magtugot sa katawhan sa pagkuhag pagkaon o sa pagpatrabaho sa ilang mga kaumhan sa pagpatubo og pagkaon. Minilyon tabok sa India nalockdown ug wala tugoti sa paggawas sa ilang mga balay, diin nangahulogan daghan ang gilunosan.
- Pag-ampo alang sa kaalam sa mga pangulo sa iglesia samtang sila manginahanglan sa paghimog mahinungdanong mga desisyon alang sa umalabot ingon nga usa ka resulta sa ekonomiyanhon nga krisis nga atong ginaatubang karon.
- Pag-ampo alang sa kaalam diha sa unsaon pag-iban og mga palaliton samtang wala makapadaot sa katawhan ug sa gihapon nagatipig sa mahinungdanong trabaho ug misyon sa iglesia nga nagapadayon sa unahan.



Adlaw 26 – Pagtutok Sa Pag-ampo - Martes, Abril 21,
2020

Giniyahan Pinaagi sa Pulong

“Gipakita na niya kanimo, Oh tawo, kong unsa ang maayo; ug unsa ba ang gikinahanglan ni Jehova kanimo, kondili ang pagbuhat sa minatarung ug ang paghigugma sa kalolot, ug ang paglakaw nga mapinaubsanon uban sa imong Dios?” Miq. 6:8

“Kita nagapuyo diha sa labing solemne nga panahon ning kasaysayan sa kalibutan. Ang kapalaran sa nagadagsang nga mga panon hapit na madesisyonan. Ang atong kaugalingong pagkatawo sa umalabot ug usab ang kaluwasan sa ubang mga kalag nagasalig ibabaw sa kapaingnan diin atong ginalakwan karon. Kita nanginahanglan mamagiyahan pinaagi sa Espiritu sa kamatuoran. Ang matag sumusunod ni Cristo kinahanglan maikagon nga mangamuyo: “Ginoo, unsay gusto Nimong buhaton nako?” Kita nanginahanglan sa pagpaubos sa atong kaugalingon atubangan sa Ginoo, uban ang pagpuasa ug pag-ampo, ug sa pagpamalandong pag-ayo sa Iyang Pulong, hilabina sa mga talan-awon sa paghukom. Kita kinahanglan karon mangitag usa ka lalum ug buhi nga kasinatian diha sa mga butang sa Dios. Dapat walay mawala nga usa ka gutlo kanato. Mga panghitabo sa mahinungdanon nagakahitabo palibot kanato; kita anaa sa gilamat nga gitindogan ni Satanas. Ayaw pagkatulog, mga magbalantay sa Dios; ang kaaway nagpahipi sa duol, andam sa bisan unsang gutlo, kung ikaw magpawala o katulogon, sa pag-ambak ibabaw kanimo ug sa pagtukob kanimo.” *The Call to Stand Apart*, p. 69

Mga Pangutana sa Kasingkasing:

Sa dihang ikaw nag-atubang og usa ka makahagit nga desisyon, asa ka mangayo og kaalam ug tambag? Bitaw, kita gisultihan nga diha sa panon sa mga magtatambag adunay kahilwasan (tan-awa ang Prov. 11:14). Apan lapas sa kaalam sa atong mga hinigugma o niadtong atong gitahud, unsa nga mga prinsipyo atong makaplagan diha sa Pulong sa Dios alang sa unsaon sa paghimog mga desisyon? (Tan-awa ang Prov. 3:5,6, Prov. 14:12, Mat. 6:33, Jer. 33:3)

TAHO SA PAGDAYEG: Ang South American Division nagpresentar, ingon nga kini sulod sa milabay nga 50 ka tuig, og usa ka pinasahi nga “Semana Santa” nga wali publiko tabok sa dibisyon ning miagi nga semana. Sagad, ang mga gagmayng pundok nagatigum diha sa mga puloy-anan ug kaiglesiahan, apan tungod sa Coronavirus, ang dibisyon nagtanyag sa programa sa online uban sa mas daghan pa nga mamatiay. Ang tema mao ang “Gugma nga Sinulat sa Dugo,” gipasundayag ang pinasahi nga programa alang sa kabataan, kabatan-onan, ug mga hamtung. Gidayeg nato ang Ginoo alang sa mga mamugnaong pamaagi nga ang mga pangulo sa iglesia maoy nagatabang sa pagpahat sa gugma sa Dios.

- Iampo kadtong mga nakatuki sa gugma ni Jesus sa unahang higayon, diha niini nga mga programa sa South American Division, nga mainarangan sa pagpalambo og usa ka malahutayong relasyon kang Jesus nga motubo lamang nga mas maanyag sa kapanahonan.
- Iampo nga kitang tanan mogugol og sobra nga panahon sa puloy-anan sa pagtuon sa halalum diha sa Pulong sa Dios ug sa pagtudlo sa atong kabataan unsaon pagtuon sa paghigugma sa Pulong sa Dios.
- Iampo nga ang katawhan sa Dios nga magpadayon sa pagkamabungahon sa ilang mga ikapulo ug mga halad bisan taliwala sa mga ekonomiyanhong hagit karon.

- Iampo kadtong mga nakigbisog sa pagbayad sa ilang mga bayronon ug sa pagtipig og pagkaon ibabaw sa kan-anan tungod sa mga hagit ekonomiyanhon nga gidala sa pandemia sa COVID-19. Iampo nga ang Dios magpadayon sa pagsangkap alang sa Iyang mga anak ug nga aduna untay daghang mga testimonya sa pagkamatitud-anon sa Dios sa pagpahat sa umalabot nga kaadlawan.
- Iampo ang buhat sa iglesia diha sa Lebanon nga ang Dios magasangkap alang sa ilang panginahanglanon sa paninapi ug tabang alang sa iglesia sa pagpadayon sa unahan.



Adlaw 27 - Tutok Sa Pag-ampo - Miyerkoles, Abril 22, 2020

Napuno Pinaagi sa Iyang Pulong

“Usa ka butang ang gipangayo ko kang Jehova, nga pagapangitaon Ko: Nga makapuyo ako sa balay ni Jehova sa tanang mga adlaw sa akong kinabuhi, Aron sa pagtan-aw sa katahum ni Jehova. Ug sa pagpakisayud sa iyang templo.” Sal. 27:4

“Ako adunay nabanhaw nga Manluluwas. Kaniya ako nagasalig, ug Siya dili gayud motugot nga ako malibog. Diha sa Iyang ngalan ako nagmadaugon. Siya maoy akong pagkamatarung ug akong purong-purong sa pagmaya. Ayaw tugoti ni bisan usa dinhi nga mobati nga ang iyang kasinatian wala nay paglaum, kay kini dili. Mahimong tan-awon nimo nga ikaw makasasala ug walay pulos, apan kini dinhi lamang nga sugilanon nga ikaw nanginahanglan og usa ka Manluluwas. Kon ikaw adunay ikasugid nga mga sala, ayaw na paglangan. Bulawanon kini nga mga gutlo. “Kon isugid ta ang atong mga sala, siya kasaligan ug makatarunganon nga tungod niana mopasaylo siya sa atong mga sala ug magahinlo kanato gikan sa tanang pagkadili makatarunganon.” 1 Juan 1:9. Kadtong gipanggutom ug gipang-uhaw pagapun-on, kay si Jesus nagsaad niini. Daw unsa ka hamili nga Manluluwas! Ang iyang mga bukton abli sa pagdawat kanato, ug ang Iyang dakung kasingkasing sa gugma nagahulat sa pagpanalangin kanato.” *Counsels for the Church*, p. 48

Mga Pangutana Sa Kasingkasing:

Unsay dugay na nimong gipangadoy sa pinakalabi? Unsa ang imong pinakalalum nga singgit sa kasingkasing? Tingali wala ka pa makaisip mahitungod niini sa pagkakaran. Tingali naningkamot ka lang sa pagkabuhi. O tingali ikaw naghunahuna na niini sa tanang panahon. Pangitag pipila ka mga gutlo karon sa paghunahuna mahitungod asa ikaw makakaplag sa imong kinadak-ang kalipay ug sa imong kinadak-ang katagbawan. Sigon sa imong pagbuhat, pamalandonga ang Salmo 27:4, ug pangayoa sa Ginoo sa paghatag kanimo og usa ka kasingkasing nga sa matud-anon gigutom sa pagkaanaa sa Iyang presensya.

TAHO SA PAGDAYEG: Usa ka bidyo sa Coronavirus alang sa mga bungol gipagawas sa West Africa Division didto sa Abidjan, Côte d'Ivoire, nagahatag og importante nga mga kasayoran sa COVID-19 pinaagi sa mga pagsinyas-sinyas ug mga kapsiyon. Kita mapasalamaton alang niini nga mga bag-ong kahinguhaan nga gimugna sa pag-abot sa tanang mga nagkadaiyang pundok demograpika.

- Iampo nga ang Dios mag-atiman sa Iyang mga anak didto sa North Korea, South Korea, Japan ug China. Iampo ang tanang mga mata, bisan niadtong iya sa mga opisyaales sa pangagamhanan, sa pagyahat paingon sa langit samtang ilang ilhon ang mga timaan sa mga panahon, ug nga si Jesus mobalik na sa di-madugay.
- Iampo kadtong mga kabahin sa mga Possibilities Ministries. Iampo kadtong mga nanagpangabudlay alang sa mga buta, sa mga inutil, ug sa uban pang mga ministryo alang sa mga may pinasahing panginahanglan. Pag-ampo alang niadtong anaa sa mga kolonya sa sangla, aron sila dili mapasagdan ni makalimtan atol ning panahona.
- Pag-ampo nga samtang atong ilhon ang kahiduol sa pag-anhi ni Jesus kitang tanan unta mangitag panahon sa pagpangita Kaniya sa tibuok natong mga kasingkasing ug sa pagkalot sa halalum diha sa Iyang Pulong. Iampo nga kita unta makahakgum sa maanindot lalum nga mga kamatuoran sa mga libro sa Biblia sama sa Daniel ug Pinadayag.
- Iampo ang mga misyonero nga nangatanggong sa ilang mga dapit sa tulomanon diha sa nagkadaiyang mga lugar palibot sa kalibutan.
- Iampo ang mapinadayonong kusog ug kabangonan alang niadtong nangaayo gikan sa Coronavirus. Iampo ang abilidad sa pagbakwi sa kusog ug sa pagbalik ngadto sa naandang kinabuhi.



Adlaw 28 – Tutok Sa Pag-ampo - Huebers, Abril 23,
2020

Gipaskusgan Pinaagi sa Pulong

“Kay ang pulong sa dios buhi ug nagalihok nga gamhanan, labi pang mahait kay sa espada nga duhay sulab, ug modulot ngadto sa gitagboan sa kalag ug espiritu, sa mga lutahan ug sa mga kauyokan, ug motugkad sa mga hunahuna ug katuyoan sa kasingkasing.” Heb. 4:12

“O, nga ang katawhan magmahadlok sa Ginoo! O, nga sila unta mahigugma sa Ginoo! O, nga ang mga mensahedor sa Dios mobati sa lulan sa himalasyon nga mga kalag! Unya sila unta dili lang magsigeg wali; kondili sila makabaton unta sa gahum sa Dios sa pagpakusgan sa ilang mga kalag, ug ang ilang mga kasingkasing mosiga uban sa kalayo sa gugma sa Dios. gikan sa pagkamaluya sila mamahimong mga kusgan; kay sila mamahimong mga mamumuhat sa pulong. Sila makabati sa tingog ni Jesus: “Tan-awa, Ako

makig-uban kaninyo sa tanang panahon.” Si Jesus mamahimong ilang magtutudlo; ug ang pulong nga ilang giministeryo mamahimong buhi ug gamhanan, mas mahait pa sa espada nga duhay sulab.” *Testimonies to Ministers and Gospel Workers*, p. 143

Mga Pangutana sa Kasingkasing:

Samtang pamalandongan mo ang Hebreohanon 4:12, unsay imong panan-aw sa Pulong sa Dios nga modulot sa imong kaugalingong kasingkasing? Gipaamgo ka ba sa usa ka butang nga imong nabasa diha sa Pulong sa Dios bag-o lang? Milihok ka ba dayon sa imong pagkaamgo, o giwakli nimo ang mga paghagawhaw sa Balaang Espiritu? Ipahat ang imong mga hunahuna ngadto sa usa ka tawo. Unya pag-ampo nga kita ingon nga usa ka katawhan dili lamang makabati sa Pulong ug mahigugma sa Pulong, kondili nga kita usab mangita sa pagkinabuhi pinasikad sa Pulong.

TAHO SA PAGDAYEG: Kita nagadayeg sa Ginoo diha sa pagtoo alang sa dagaya nga anihon sa mga kalag nga Iyang pagadad-on ingon nga tubag ngadto sa wali publiko nga “Makapapukaw nga Paglaum.” Kita nagadayeg sa Ginoo alang sa mga desisyon nga gihimo nang daan alang kang Cristo.

- Iampo kadtong mga anaa diha sa kinataliwad-an sa COVID-19 nga krisis, nga kondili nakigbisog sa ilang kaugalingon, o ang ilang mga hinigugma nakigbisog sa maong sakit.
- Iampo ang kalinaw alang sa mga membro sa iglesia sa tibuok kalibutan nga taslanan ug nangahadlok, o mga gibati nga nag-inusara.
- Pag-ampo alang sa minilyon nga nakigbisog sa tibuok Middle East, sa mga nasud sama sa Iran, Afghanistan ug Pakistan. Iampo nga diha sa taliwala niini nga krisis, ang Dios mag-abli og daghang mga kasingkasing ngadto sa kamatuoran.
- Iampo ang mga bag-ong plano nga ginahan-ay alang sa pag-eskedyul pag-usab sa General Conference Session nga mahitabo karong Mayo 20-25, 2021, didto sa Indianapolis. Iampo nga ang sesyon mapuno sa espiritohanon, og nakatutok sa misyon nga mga plano ug nga ang Balaang Espiritu mamahimong anaa sa bug-os nga pagdumala.
- Pag-ampo alang sa pagbobo sa Ikaduhang Ulan sa iglesia, nga ang buhat matapos na aron kita makapamauli na.